

# Pour frere Estienne Suard Prieur de

Moustiers nommé & tenant le lieu & Indult de M. Iaques Ribier  
Conseiller du Roy en sa Cour de Parlement.

Contre les nommez de Messieurs le Grand & Mallon, & Ambroise Gauffre,  
tous pretendens droict audit Prieuré.

**L**es trois indultaires *in hoc conueniunt* de renuerser *conuinctis copiis* le droict  
pretendu par Gauffre, & Monstrer qu'il n'a rien audit Prieuré conten-  
tieux, ains qu'il a vacqué *per obitum* de Henry d'Angennes dernier paissi-  
ble titulaire & possesseur. Et en cela ils esperent tous trois auoir telle-  
ment esclairci la verité par les actes par eux respectiuelement produicts *ad debel-*  
*landum communem hostem*, que *pudor est* à Gauffre qui n'a iamais iouy ny fait acte de  
de Prieur, d'insister au contraite: & faire voir claire comme le iour la collusion  
qui estoit entre le deffunct & luy pour conseruer le benefice & le rendre heredi-  
taire.

Quant aux nommez de Messieurs le Grand & Mallon, le nommé dudit sieur  
Ribier ne leur dira que ce mot decisif de la cause, que les seules dattes reglent  
leur droict: & estant *in confesso* que la nomination dudit Ribier est la premiere &  
plus ancienne, ils ont tort de le trauerser puisque *desiunt in futurum*.

Tout l'effort qu'ils font, & ce qu'ils disent contre la nomination dudit Ribier  
se resoult en deux poincts. L'un qu'elle est faicte sur vn autre Abbé, & n'a esté  
renouuellee à l'Abbé successeur, l'autre que le precedent Abbé a esté greué par la  
nomination de defunct Monsieur le President de Villeray.

*Ad primum* il respond qu'il ne luy a esté nécessaire de rafraichir sa nomination  
& en faire vne nouvelle signification à l'Abbé qui est à present, & que n'ayant  
esté pourueu d'un benefice par le premier Abbé, le successeur est tenu d'acquiescer  
cette charge, d'autant que ce n'est pas à l'Abbé *ut Titio aut Cato*, mais à la dignité  
qui ne meurt point & qui estensee perpetuelle & immuable, que la nomination  
est faite. *Adeo ut*, qu'estant vne charge reelle sur la dignité, elle passe indubita-  
blement en la personne du successeur, lequel en ce cas est tenu du faict de son  
predecesseur. Et ainsi a esté iugé par vos arrests.

Que s'il falloit renoueller à chaque mutation d'Abbaye, ce seroit vn mer-  
ueilleux soing & vn ioug tres-rigoureux pour les Conseillers du Parlement qui  
estant occupez d'ailleurs ne peuuent par sçauoir tous ces changemens: Il suffit  
donc au nommé dudit Ribier qu'il ait faict sa premiere nomination bien & le-  
gitimement & qu'elle ne puisse estre aucunement debatüe. Et encor ce qui est  
digne de remarque, c'est que depuis le decez de Ragueneau il n'est apparu aucun  
nouveau titulaire auquel on ay peu faire vne nouvelle insinuation. Ce qui rend  
lesdits sieurs le Grand & Mallon bien empeschez a fonder leur droict & le faire  
subsister sur vn Abbé imaginaire.

Pour le regard de l'arrest qu'ils disent auoir esté obtenu par Monsieur le Pre-  
sident de Villeray ou son nommé, il ne peut faire aucun preiudice au droict de





nomination dudit Ribier: l'arrest n'a esté donné avec luy ny son nommè. Et ce qui est considerable, c'est que le nommè dudit sieur President n'est pas mesmes aux qualitez de l'arrest comme il seroit requis.

Et pour satisfaire à tout & leuer toutes sortes de difficultez, ledit Ribier vous supplie humblement de considerer, que quand bien ledit sieur President auroit obtenu vn arrest en vertu de son Indult par la bonne intelligence qu'il auroit eue avec l'Abbé qui estoit lors, on n'auroit peu esteindre ny preiudicier au droit dudit Ribier; de quila nomination est demeuree en sa force & vertu, & entierement inuiolable, pour auoir lieu sur l'Abbé successeur, puisque le predecesseur n'a tenu compte de se descharger & de remplir le premier nommè. Estant certain qu'il y deuoit veiller & plustost sommer & interpellier le nommè dudit Ribier pour ceregard.

Autrement il arriueroit qu'un Abbé, pourroit gratifier vn second nommè au preiudice du premier, & ainsi confondre & interuertir tout ordre au desceu des vrais nommez, contre lesquels bien souuent les pourueuz pourroient opposer vne possession triennale, & ainsi les frustrer de leurs droicts contre toute raison & equité.

Que s'il est aduenu par vne surprise manifeste qu'on ayt tiré profit d'une seconde nomination au preiudice de la premiere, ce ne sera pas pour faire perdre le droit à celui qui n'y a apporté ny volonté ny science, ny consentement & auquel on ne peut rien imputer de dol & de fraude: Au contraire on imputera à l'Abbé si contre tout ordre il a voulu preferer le second au premier, *cuius remansit ius integrum & illa sum.*

Et si on desire vne signification à vn nouveau Abbé ou au siege vacant, la requisition qu'a faite depuis le decez de Ragueneau, le nommè dudit Ribier, du priuré de ~~Montfort~~ pour lequel il a si long temps plaidé contre Fre. e François Fleury, maintenu contradictoirement par vostre arrest au rapport de monsieur Guinet à cause de la resignation qu'il apportoit de son oncle, & duquel arrest le Conseil peut estre memoratif, & le non é de monsieur le Grand en d. mettre particulieremēt d'accord, ceste requisition ne vaut elle pas bien autant, & n'opere elle pas avec autant d'efficace qu'une nouvelle signification? Et ne peut on pas dire en tout cas que par ce moien le droit a esté entierement restably, & qu'on a fait reuiure & renaistre la faculté de requerir qui sembloit auoir esté suspendue par la surprise qui auoit esté faite en la personne du nommè dudit sieur President de Villeray veu mesme que lors de ceste requisition lesdits sieurs le Grand & Mallon n'estoient encor nommez & ne pouuoient pretendre aucun droit sur l'Abbaye?

Ainsi, de quelque façon que le veillent prendre lesdits sieurs le Grand & Mallon, il se peut dire sans contredit, que *ius quod habuerat* le nommè dudit Ribier, *id est plenè restitutum est* par la mutation de l'Abbaye. Ce droit n'auoit pas esté radicalement osté audit Ribier par ceste surprise du nommè dudit sieur President: *Accidens non tollit substantiam*: Il ne tenoit qu'en suspens: Et peut on dire que c'est comme vne rencontre & interposition d'un corps qui fait eclipser vn autre pour vn temps, mais qui ne l'esteint pas pour tousiours: Ou bien prendre des exem-






ples en droict sur la comparaison des seruitudes *qua amissa per tempus in pristinum statum sepe restituntur l. si locus 14. & semblables quemadmodum seruitutes an. itantur.*

Pour le regard du deuolutaire que Gauffre *produxit in scenam* pour vn dernier effort & extreme remede, afin de sauuer le benefice, les moiens qui sont contre Gauffre militans contre son deuolutaire qui ne peut preiudicier au droict des indultaires, soustient ledit Suart par ces raisons & autres meilleures que le Conseil supplera s'il luy plaist qu'il doit estre maintenu au plein possesloire dudit Prieuré de Moustiers avec restitution de fruiçts despens dommages & interests.

*Monsieur Desfriches Rapporteur.*





... de la ...  
... de la ...  
... de la ...  
... de la ...  
... de la ...  
... de la ...  
... de la ...  
... de la ...  
... de la ...  
... de la ...

... de la ...

...